



J.P. DEPONIIJA d.o.o. Mostar

Vrapčići bb
88113 Mostar
Bosna i Hercegovina

tel/fax: + 387 36 576 332
e-mail: jpdeponija@bih.net.ba
PDV broj: 227580800008
ID broj: 4227580800008

**Broj: 1107/16-DP
Mostar, 14.10.2016.**

Na osnovu člana 64. stav (1) tačka b), člana 70. stavovi (1), (3) i (6), odredbi Pravilnika o uspostavljanju i radu Komisije za nabavke („Službeni glasnik BiH“ broj. 39/14), na osnovu preporuke Komisije za nabavke utvrđene u zapisniku o pregledu i ocjeni ponuda broj: 1106/16-DP od 13.10.2016.godine, postupajući po Rješenju Ureda za razmatranje žalbi BiH broj: JN2-03-07-1-951-7/16 u otvorenom postupku javne nabavke roba – Dizelsko gorivo (EN 590) , Direktor JP Deponija d.o.o. Mostar donosi

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za nabavku, koja je utvrđena u zapisniku o pregledu i ocjeni ponuda broj 1106/16-DP od 13.10.2016.godine, gdje se predlaže sklapanje Okvirnog sporazuma u otvorenom postupku javne nabavke roba – **Dizelsko gorivo (EN 590)** sa najpovoljnijim ponuđačem **HIFA d.o.o. Tešanj, sa sjedištem na adresi Krndija bb, 74260 Tešanj**, ponuda broj: P1245/2016.god, dostavljena 19.08.2016.god., sa cijenom od 68.640,00 KM sa PDV-om (šezdesetosamhiljadašeststotinačetdeset KM i 00/100).

Član 2.

Prijedlog Okvirnog sporazuma će se dostaviti na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. U slučaju da izabrani ponuđač postupi u skladu sa članom 72. stav (3) tačke c), e), i f) ZJN, Ugovorni organ će prijedlog Okvirnog sporazuma dostaviti na potpis drugorangiranom ponuđaču.

Član 3.

Ova Odluka će se objaviti na internet stranici J.P. Deponija d.o.o. Mostar (<http://www.jpdeponija.ba/>) na dan dostavljanja iste ponuđačima koji su učestvovali u postupku javne nabavke, u skladu sa članom 70. stav (6) ZJN.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) ZJN.

O b r a z l o ž e n j e

Postupak javne nabavke je pokrenut odlukom o pokretanju otvorenog postupka javne nabavke broj: 823/16-DP od 19.07.2016. godine.

Obavještenje o nabavci bez prilaganja tenderske dokumentacije je objavljeno na portalu javnih nabavki dana 20.07.2016. pod brojem 553-1-1-111-3-6/16.

Iz Zapisnika sa otvaranja ponuda od 22.08.2016.godine, utvrđeno je da je Komisija blagovremeno i pravilno izvršila otvaranje i pregled prispjelih ponuda, o čemu je sačinjen odgovarajući Zapisnik od 22.08.2016. u kojem je utvrđeno slijedeće:

Do 22.08.2016. u 12:00 sati, blagovremeno su zaprimljene (2) ponude i to od ponuđača: Hifa d.o.o. Tešanj, sa ukupnom cijenom od 68.640,00 KM te Oil-AC d.o.o. Mostar sa ukupnom cijenom od 70.400,00 KM.

Komisija je dana 26.08.2016.godine, nakon prvobitnog postupka pregleda i ocjene ponuda sačinila odgovarajući zapisnik na osnovu kriterija za izbor ponuđača – tehnički zadovoljavajuća ponuda sa najnižom cijenom, u skladu sa uslovima iz tenderske dokumentacije, te predložila „da se Okvirni sporazum na godinu dana u otvorenom postupku javne nabavke roba – Dizelsko gorivo (EN 590) potpiše sa ponuđačem „HIFA d.o.o. Tešanj“ jer je njihova ponuda ocijenjena kao ponuda sa najnižom cijenom od KM 68.640,00 (sa PDV-om) uz zadovoljenje svih traženih uslova iz tenderske dokumentacije, odnosno kao najpovoljnija ponuda.“ Preporuka Komisije je prihvaćena, te je donesena Odluka o izboru najpovoljnijeg ponuđača broj: 940/16-DP od 29.08.2016.god., te je ista elektronski dostavljena ponuđačima 30.08.2016.god.

Ugovorni organ je dana 14.09.2016. godine zaprimio Žalbu ponuđača OIL-AC d.o.o. Mostar (poslana preporučenom pošiljkom 08.09.2016.god.) uloženu na Odluku o izboru najpovoljnijeg ponuđača broj: 940/16-DP, dovodeći u pitanje valjanost dokaza koje je dostavio izabrani ponuđač a koji su zahtijevani tenderskom dokumentacijom (OPC obrazac). Ugovorni organ je svojim Rješenjem broj: 1002/16-DP od 15.09.2016 u potpunosti uvažio žalbene navode, poništio prethodnu Odluku o izboru 940/16-DP i donio novu odluku kojom se za najpovoljnijeg ponuđača proglašava drugorangirani ponuđač OIL-AC d.o.o. Mostar.

Na pomenuto Rješenje je potom žalbu uložio ponuđač HIFA d.o.o. Tešanj, te je Ugovorni organ u skladu sa članovima 100. stav (5) i 110. Zakona o javnim nabavkama („Službeni glasnik BiH“ broj. 39/14), žalbu, kompletnu dokumentaciju vezanu za predmetni postupak zajedno sa svojim Izjašnjenjem prosljedio Uredu za razmatranje žalbi BiH. Ured za razmatranje žalbi je donio Rješenje broj: JN2-03-07-1-951-7/16 od 06.10.2016.godine, kojim je **USVOJIO** žalbu ponuđača HIFA d.o.o. Tešanj, broj P1382/2016 od i poništava se Odluka o izboru najpovoljnijeg ponuđača broj: 1002/16-DP od 15.09.2016., te se predmet vraća Ugovornom organu na ponovni postupak pregleda i ocjene ponuda.

Kako je navedeno obrazloženju Rješenja od 06.10.2016., a nakon izvršenog uvida u predmetnu tendersku dokumentaciju, Ured za žalbe je utvrdio sljedeće: „...*da je ugovorni organ u tački 10. propisao: Za potrebe ovog tendera potrebno je da ponuđač u ponudi nominuje jedno prodajno mjesto sa kojeg će vršiti sukcesivnu isporuku predmetnog goriva tokom trajanja okvirnog sporazuma, pri čemu nije zahtijevao dostavljanje OPC obrasca sa prodajnog mjesta sa kojeg će vršiti isporuku goriva, te u skladu s tim ne postoji povreda tačke 10. tenderske dokumentacije, kao što to ugovorni organa navodi u obrazloženju ožalbene odluke. Uvidom u ponudu žalitelja ovaj organ je utvrdio da je na strani 48. ponude, žalitelj dostavio Izjavu broj P1245/2016 kojom izjavljuje da će ugovornom organu gorivo isporučivati sa benzinske pumpe Hifa d.o.o. Tešanj, u skladu sa zahtjevom postavljenim u tački 10. tenderske dokumentacije.*

Dalje u obrazloženju Ureda za žalbe, stoji sljedeći zaključak, a u vezi sa zahtjevima iz tačaka 19. i 14. tenderske dokumentacije: „*S obzirom da u predmetnom postupku nije došlo do navedene situacije, nije zaključen okvirni sporazum, nije došlo do promjene cijene, ponuđači nisu dužni uz ponudu dostavljati OPC obrazac sa benzinske pumpe koju ponuđač odredi u svrhu vršenja isporuka dizelskog goriva za potrebe ovog tendera...Uvidom u ponudu žalitelja ovaj organ je uvidio da je žalitelj na strani 47. ponude dostavio OPC obrazac ovjeren od Federalnog ministarstva trgovine 4.7.2016.godine (a datum objave obavještenja o nabavci bio je 20.07.2016.godine) za benzinsku pumpu Sarajevo, Ilidža, Rakovička cesta bb, što predstavlja dokaz tražen pod tačkom 14. b) tenderske dokumentacije, odnosno saglasnost nadležnog ministarstva na cijenu goriva Dizel sa datumom prije objave Obavještenja o nabavci. Zbog svega navedenog, navodi žalitelja smatraju se osnovanim.*

Komisija Ugovornog organa, postupajući po navedenim zaključcima iz Rješenja Ureda za žalbe i u skladu sa članom 65. Zakona o javnim nabavkama („Službeni glasnik BiH“ broj 39/14), pristupila je ponovnom pregledu i ocjeni ponuda, nakon čega je i sastavila odgovarajući Zapisnik (u Prilogu) i donijela preporuku da se Ugovor dodijeli kako je navedeno u Članu 1. ove Odluke.

U postupku ocjene provedenog postupka Direktor nije uočio nepravilnosti ili propuste, koji bi bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija postupila pravilno te da je izbor najpovoljnijeg ponuđača izvršen u skladu sa ZJN, podzakonskim aktima i TD.

Izabrani ponuđač je izabran primjenjujući kriterij najniže cijene.

Iz navedenih razloga, primjenom člana 64. stav (1), tačka b), Zakona o javnim nabavkama, odlučeno je kao u dispozitivu.

Pravna pouka:

U slučaju da Vaša firma smatra da je ugovorni organ u toku postupka javne nabavke izvršio povredu Zakona ili podzakonskih akata, možete pokrenuti žalbeni postupak koji je utvrđen u DIJELU III, POGLAVLJU I. Zakona (POSTUPAK PRAVNE ZAŠTITE). U slučaju navodne povrede Zakona ili podzakonskih akata, ugovornom organu možete dostaviti prigovor u pisanoj formi u roku od 10 dana od dana prijema ovog pisma (ili od dana kada ste ustanovili ili ste trebali ustanoviti da je došlo do navodne povrede).

DIREKTOR
Abdurahman Bećirović, dipl. oecc



Prilog:

- Zapisnik o pregledu i ocjeni ponuda broj: 1106/16-DP od 13.10.2016.

Dostavljeno:

- OIL-AC d.o.o. Mostar
- HIFA d.o.o. Tešanj
- Komisiji za JN
- a/a